



古香樓吟藁卷三

休陽汪文柏柯庭

慈母壽筵宗人自徽睦吳松而會者五十餘
人長吉兄首倡二詩以紀其盛次韻謾酬
遠近宗盟次第過情深焉用禮爲羅盃浮梅檻含
香勝月到燈簾映色多壯志未衰聊戲綵新年話
舊且當歌饒君雅調先投贈金谷難辭奈我何
椒香梅信喜初過舞隊星橋鬪綺羅芝竝蘭蓀芳
自合萱同莫莢歲應多詩詞意重樽前客絃管聲

調月下歌珠斗橫斜連粉堞酒闌休問夜如何

題邵東園小照

一襟秋水澄兩耳松風沸雖非山澤癯亦有煙霞
氣古琴橫座隅不識曾彈未時無絃上聲已見琴
中意小童不烹茶反攜一冊至欲解主人渴請嚼
書中味借問是何書要以經史貴經明行可修史
熟事多記開卷足忘憂非與雜說類五絃能陶情
五粒可爲餌誰謂圖中人所好與世異

束裝感懷

爲有潘輿戀顛毛白漸侵遂舒懸矢志莫負斷機
心菽水情縈夢風塵淚掩襟願添萱草茂雨露北
堂深

露筋祠

異節疇能似荒祠互水濱芳名垂宇宙貞骨化松
筠白鳥寧無恨青蓮豈受塵一宵心不奪千古事
如新社日喧簫鼓空幃薦藻蘋可憐兒女血狼籍
染啼巾

漂母祠

韓侯雖大志出語氣麤豪孰知有漂母千金如鴻
毛入耳怪唐突厲辭挫其驕吾哀王孫耳進食豈
有邀奈何磴磴然識小同兒曹轉眼垂釣者登座
擁旌旄指揮破重瞳功勳非不高終嬰望報禍受
縛猶鷓鴣感茲巾幗意此言心佩牢千秋復何人
悵望空寥寥

紅花埠題謝家樓薛次湯西崖太史韻

平分南北地逆旅一登樓新月生隋苑洪濤界豫
州沙長饑鴈集牕冷溼雲流椒繭初成帛征衫度

麥秋

沂州道中

此身南北與東西到處尋詩任馬蹄一簇亂山迷
紫塞半林殘照已青齊無端勸客津亭酒有意催
人旅店雞鞭影靜垂孤堠畔棗花香裏聽鶯啼

傾蓋亭二首

載贄之何處相逢豈易分蓋傾情已重道合語難
聞山色連齊樹河聲入魯雲千秋交誼在瞻拜挹
清芬

守道能移俗先生亦有書經過
郊子國相值素王車迹往情猶在
名存意自餘白頭多按劔思此復
何如

見泰山二首

馬首悠然見羣山覺自低空濛舒倦眼
蔥蒨杳征蹄畫豈王蒙得詩難杜甫齊
未能搜勝概從此識

端倪

畫苑記王叔明見泰山石理因悟皴法一生所畫皆泰山也

翁然來遠翠送我不辭勞只覺依人動
誰知入漢高移燈觀海日過雨聽松濤
安得先飛鳥峰巔振

布袍

謁嶽廟

清晨齊沐謁金庭瑶草琪花帶露馨
五色雲霞飛絳闕千行松檜接青冥
羣黎盼嚮邀純嘏維嶽尊嚴役百靈
獨笑迂儒無禱祝踏殘蒼蘚讀碑銘

無字碑

六經如日星浩劫終難壞雜說太支離
一火誠爲快嗟峨無字碑不與祖龍邁
林立後朝文翻嫌以字疥揄揚多溢辭
點畫少金薤徒遭讀者嗤定受

山靈怪豈若保貞珉可爲穿鑿戒

唐槐

人爲萬物靈勞思成老醜植物因無知根固則長
久不中棟梁材翻沾雨露厚要知匠石心豈羨靈
椿壽謬悠莊生言樹之無何有高榦盤雲霄涼陰
垂戶牖花黃舉子忙志在圖青綬當年得意人北
邱骨已朽歲月真白駒富貴如蒼狗那能立功勳
高名竝牛斗不隨草木凋一任烏兔走莫令駐歸
鞍攀枝傷皓首

漢柏

喬木多天年孰與松柏齊異哉青銅柯盤踞如後
猊昂昂入雲霄忽隨鋪階墀半空喧波濤殿角奔
虬螭黛色補天漏盤根絡地維羲和不敢前側轡
從西馳炎官失威勢火傘何由施森沉古紺宇拂
地垂青帷岱宗乃明神正直庥羣黎上帝嘉其績
勅汝爲憑依冰霜歷已久赤心終不移變理陰與
陽凜然猶臯夔大材必大用豈屑侍媵爲我來成
駭矚舉首雷雨垂徬徨不忍去再拜仍獻欵曾聞

孔明廟溜雨存霜皮狡獪少陵筆作歌何離奇或
者過褒美放手多腴詞未曾經我眼安得竟信之
介紹爲君侶異地非同時山巔大夫松庶可結英
耆自然久莫逆勿笑吾言遲

椿樹里喜與臧鄴侯對宇而居偶成四首

室小生虛白簾深隔軟紅 帝城雙闕下春樹萬
家中索米嗟瓶罄貽詩喜篋豐孰知居不易猶自
繫青驄

親串欣同井鄉音儼似家攜來東海月看遍長安

花遠岫分蛾黛輕雷輾犢車出門多好遇何處有
塵沙

跬步成來往香醪每共斟驢鳴停客語花笑映文
心真意分殘帙寒光出古鐔只愁溝水近符限促

攜琴

時將出
宰安昌

古里無椿樹虛名惹客愁趨庭家學在陟岵淚痕
流弦月臨鉤幔涼吹入敝裘西山秋氣爽斗酒向
誰謀

次韻酬萬卓菴

同居醉里難謀面此日燕臺喜訂交一刺懷中無
戶詣雙扉月下僧敲琴書可寄心兼跡瓦缶慚
賡竹與匏斗酒百篇知敏捷只愁忙殺小胥鈔

送程常先歸柘湖次吳季子韻

吹殘柳絮又桐綿到日蕉窗正綠天千里客懷燕
市月一年歸夢柘湖煙春雲詩句思張藉夏雨山
莊肖巨然誰道文章憎命達嬋娟桂闕定相憐

題查書雲小影次趙恒夫給諫孔東塘司農

韻二首

胸次難容半點塵吟風弄月任天真要知驢背無
窮興不比山陰泛雪人

當壚燕女似輕鴻南酒新開映袖紅同調有人愁
獨詠可堪共醉灞橋東

張雲子太史見題蘭石次韻疊成三首以紀

一時相敘之雅

古調何驚人天姿謝妝抹聲鏗句益竒韻險氣難
遏悠游竹素園推敲作生活共飲超臺日雄談一
何濶聽泉玉笋飛搔首綸巾脫長安數往還託契

忝在末猗蘭聊寄興鷗波剩餘馘痂嗜喜君同悶
懷藉軒豁胸中具生意何患筆不達非獨忘晨昏
戀之易裘葛雨露及風晴天公豈能奪

日射繭窗明烏几光新抹染翰興蓬蓬可縱不可
遏腕底蘭芽生墨池拳石活贈君博佳篇辭富波
瀾濶四海稱才名流傳稿初脫一字乃吾師千鈞
轉毫末疎簾竹影斜虛枕殘荷馥願停長者車坐
使胸茅豁詩酒自風流乾坤任放達郵筒累唱酬
文字成瓜葛京洛有閑情豈爲浮名奪

家在梧桐谿遠山橫一抹無端慕浮榮遂把歸心
遏今如涸轍鱗疇能斗水活張侯新訂交誼重情
亦濶贈我詩句圓頗似銅丸脫沉思向座隅役想
窮天末史筆繼歐陽往哲傳芳馥論定是與非疑
事一朝豁嗟我讀書遲悔不知窮達縱飲效伶藉
忘機類懷葛雅調信難賡微吟氣已奪

贈吳季子仍疊前韻

季君多吟情風月供批抹千言倚馬成一曲行雲
遏角葉彩樣歸手談機筭活京洛重才華鄉里嘲

迂澗良驥鞭影馳野鶴樊籠脫家寄吳水濱心飛
絳雲末季子家於嘉定兩尊人則在絳州時切庭闈之念御苑槐色黃冰輪桂枝
馘名心何泊如逸興尤超豁相聚欲相違有懷難
悉達好攜北海樽遠訪南陽葛歎彼躬耕人終爲
漢所奪將隨臧子鄴侯之任南陽

送姚麗文郡丞赴任柳州

五馬風流疊有聲星軺今更莅龍城直追柳氏文
華美豈遜于公第宅宏叔子閑官欣把辭邊氓瘠
土賴催耕長安秋月光初滿情話幾回又贈行

送吳酉山郡丞赴任饒州

佐郡雄才久絕倫清時再見剖符新芝山竹馬迎
仙吏梅里金樽別故人溝瘠回春須撫字路遺不
拾在經綸公餘領勝多題詠早寄天街洗客塵

送查書雲下第歸次孔東塘韻二首

揮手東華向草堂疎林紅葉襯山光半途事廢身
無恙千里人歸月滿廊帶雨片雲終出岫梳翎凡
鳥定朝陽彈冠念我相期切莫使新添鏡裏霜
曾虛蘭漿過谿堂恰值雙扉閉曉光扇挹清芬畱

故篋畫移邃壑入空廊
書雲前歲過訪適予在
苔上畱詩筆畫圖而去三年燈火
依丹闕一夜秋風憶紫陽
底事奚囊多警句只緣
踏遍板橋霜

題計希深驢背琢詩圖四首

衝寒長耳兀吟翁
刻意搜求興不窮
雪後帝京
渾白玉琢成詩句
最玲瓏

歷盡窮途氣未降
十年驢背當山窓
佇看得意春
風裏裊裊鞭絲到曲江

負米尋詩亦苦辛
倚鞍人憶倚閭人
顯揚早遂平

生願纔把吟鞭換釣綸

踣鐵蹄敲月碎坡
板橋霜滑冷侵鞞
神來秀句冲襟出
不待停鞭更琢磨

讀張雲子太史與家東川祭酒唱和詩次韻

二首

歲月易推遷半生研故紙
筮仕雖無期可行亦可
止快哉京洛遊得遇淮南子
短鬢已蕭蕭雄心尚
千里枉贈多古風調高從正始
未肯輕別離幾度
淹行李

古香樓吟藁
十
僦居椿樹根九衢通輦轂而我寡交遊閉門等空
谷一逢釣鼈人自覺胸懷促大海湧洪濤掀翻多
駭矚詞源不可窮筆陣隨所欲吾家賴司成勅敵
如皮陸

同顧九恆進士孫愷似查聲山家天泉曹渭
符諸太史集王仰公園亭觀劇用渭符韻
一縷歌喉隔水聞雨絲風片正繽紛雅知法曲傳
三界只恐仙衣化五雲溜澗碧泉清合調翻階紅
藥艷難羣縱疑天上同歡宴未必當杯盡屬文

祖家莊看荷花同華吉人家虎文作

最愛祖家莊荷深小閣涼綠雲畱宿雨紅粉落斜
陽紙屏來虛影絺衣潤冷香閑遊多樂事絲竹滿
繩牀

送宗伯杜夫子予告歸里

優禮尊元老楓廷予告新 聖明敦夙眷藻采錫
溫綸耆德原培母斯文實致身千秋專峻業一代
表宗臣蚤羨登清要從推有亮寅北纏光斗紀南
國著人倫宣澤滄溟濶論思密勿頻曲臺資典秩

薄海在陶鈞最遂披雲願纔占立雪晨亦趨思中
矩多幸坐依春長往夫何遽中懷詎易陳高風畀
良史離席悵羈人晚碧東山樹秋香南浦蓴尋將
賦歸去終託後車塵

懷黃圭菴

一從離硯席三載苦思君獨對官簾雨難分故嶺
雲鷗盟懷贈句驥子聽論文遠憶山牕下紅蕉又
夕曛

南城同官陳海霞自滇中來以馬金囊見贈

賦謝

仙鳧自點蒼遺我馬金囊透齒疑瓊液生津勝蔗
漿彈琴司馬渴束帶少陵狂熱吏何勞苦從今徹
底涼

庚辰秋琉璃廠監造屋宇冊籍走筆書懷

有明戶口聚九門悉居民 皇朝定鼎初出令徙
城闡圈地分八旗天兵爲比鄰外城足官地架屋
許都人所以琉璃廠衡宇如魚鱗生聚六十年結
構非無因秦魯豫吳越黔蜀楚粵閩九州同覆載

率土皆王臣，竭來多僦寓。名利羈其身，土著取租
值微薄，堪養親。若論公家地，履畝稅始均。遺民費
資斧，庀材及陶甄。奈何起間架，此議太不仁。况有
雜徭苦，露肘衣懸鶉。皇恩方浩浩，四海蠲租頻。
如何輦轂下，翻令人歎呻。予有守土責，實難緘我
脣。不顧司空怒，痛哭爲具陳。體君愛黎庶，豈愁大
吏嗔。位卑恥無權，有志終不伸。聊成五字詩，語鄙
意頗真。倘值采風者，爲我獻。楓宸疲氓得蘇息，
霜霰回陽春。

三冬奉

命賑濟書永光寺壁

先王教萬民，恆產不可無。士農及工商，衣食自有
餘。更爲養老人，溫飽宜其居。疾病得所依，不爲戕
厥軀。今皇念饑饉，設廠臨通衢。五城共十廠，每
廠一石糈。永光與弘慈，北郭兩僧廬。三冬九十日，
里閭無餓夫。予乃司其役，不假於吏胥。可憐鵠面
者，日仰飯一盂。官廚買薪煤，樽節剩青蚨。十日一
散給，少能救窮途。海宇沛皇仁，恩澤將廣敷。不
知有饑寒，鼓腹歌唐虞。

長安即事

彌天野馬戰長風，出戶先愁兩眼矇。
百計宦遊成曉夢，千聲稗販似秋蟲。
京師鬻食各習聲腔，沿街聒耳，南人多不曉悉。
河沿月墮，車鈴過地，窖花明，秬火紅。
暫輟朝參，還自得小軒高枕，數歸鴻。

得仲兄信有懷

奉親兼課子，爲計穩林臯。
菽水酬烏哺，桐陰映鳳毛。
收書嫌近本，畱客剩香醪。
愧我吟官閣，愁瞻鴈字高。

庚辰除夕言懷

官傍蒼龍闕，星纏析木津。
兩城畱宦迹，一載作勞薪。
家塾離童稚，萱幃念老親。
含飴同綺席，戲綵隔芳辰。
池草勞清夢，金釵卜遠人。
歲殘孤燭淚，門掩九衢塵。
值宿庭多隸，聯吟幕乏賓。
燎光通萬井，爆響徹重闈。
自矢冰壺瑩，蒙頒玉曆新。
俸清能卒歲，才拙愧臨民。
莫感飛鳶墮，難求尺蠖伸。
身閑舟不繫，心熱陸偏沉。
久缺茅容黍，長懷張翰蓴。
猿啼空帳曉，花滿故山春。
穩作抽簪計，松牕好漉巾。

辛巳元旦早朝二首

靜鞭三響徹天衢，嵩祝心誠拜不呼。太史當階陳

表牘，大官分隊賜醍醐。喜逢化育星呈瑞，夏秋日中星現詞臣各獻

景星會觀安瀾馬負圖。南北兩河時將告竣鴈末小臣曾學賦，操

觚羞換執金吾。

飛盡宮鴉宿靄收，太和仙樂繞龍樓。玉階草細承

紅墊，金鼎香清襲紫裘。淑景度橋冰腹泮，條風入

禁柳梢柔。前朝冠佩殊方使，來共丹青拜冕旒。謂高

麗使臣也

燈夕查橋貽同官胡平仲高闈公

鳳城燈市笙歌沸，寶馬香車密如櫛。金吾不禁乃

其時，亦有凶頑賴呵叱。安得世無害馬徒，免使蕭

何行法律銀鐙三木負，前驅隨例查橋每宵出。六

街燈火亦足觀，大如車輪小如月。近如火樹散枝

柯，遠似珠璣縮成結。燭龍洶湧鱗鬣張，懶婦歡娛

光燄濶。况逢新霽少沙塵，兩耳笙簫間箏瑟。看燈

聽曲煩，應接得意不教馬蹄疾。每多蟬鬢倚朱樓，

更有蛾眉跨鬻膝。回眸一笑絕堪憐，可惜名花過

眼失玻璃盃注梨花春蕩漾燈光淨如雪同官勸
飲草棚間坐待燈殘歌亦闋侵晨走馬向蘭臺戀
此微名意何拙不如解綬作閑人儘我嬉遊過時

節

梨花春京
師酒名

范石湖詩簿書遮斷尋詩路陸放翁詩菱角
磨成芡實圓一時拈出曹待詔渭符善漢
隸書聯句見贈久而思之終有未愜作詩

以自解

簿書遮兩眼尋詩路久迷公餘間有作粗淺如膚

皮不從性靈出雖多亦奚爲曾讀古人書掉舌論
安危不屑巧彌縫動輒與世違放翁句本佳可詠
不可規丈夫浩然氣摧折非所宜方竹使之圓何
異磷白圭菱角及雞頭物性本不齊吾將居吾常
窮達復何疑

入海淀遇

聖駕恭紀

忽報乘輿出此途風清警蹕一塵無牙旗遮道蒼
龍合翠輦穿花彩鳳扶萬國咸寧調玉燭寸心不

染勝冰壺涓埃難補真微吏惟有臨民似撫孤

豐臺看芍藥歌

江南春無三日晴冀北一冬晴過春每逢花候不
愁雨身閑便是看花人豐臺芍藥大如斗一色紅
雲幾十畝朝朝采鬻暮復開羨殺東皇真好手相
國園亭一草廬家家置酒日無虛萬斛濃香薰綺
席對之不飲將何如天然脂粉誰爲醜燕姬失色
花光內露凝高朶赤瑛團風翻碧葉空青碎檻外
還栽白一闌質如琪花帶雪看冰肌玉骨涼無汗

新試輕衫剪素紈嗟予夙有耽花癖異卉竒葩圍
硯席文心相映最相宜取其麗藻勝巾幗吏隱東
城多雅懷數椽古署臨花街了殘公事將休沐便
脫朝靴着筍鞵自從量移來北郭案牘埋身如蝟
縮今晨對花覺自慚偶得看花是清福

次韻荅紅椒菴借山禪人長安過訪二首

明主何曾棄不才兩番分秩佐烏臺匡廬淨侶遙
相念撞破紅塵問我來

昨夢青山覲遠公一龕秋碧綴椒紅今朝境奪惟

人在可是偏中是正中

題溫鄰翼小照

寫山中習靜觀朝槿松下清齋摘露葵二句

閑觀物凋榮靜聽風蕭颯吾愛弁陽翁雅與藍田
合虛懷共天遊外物無間隔撐拄萬卷書曾次猶
納納落筆江海翻詩成鬼神泣渴眼歎望洋枵腹
慚羞澀朝陽威鳳鳴三冬老龍蟄出處各有時經
書縱漁獵青青松下葵根肥朝露溼適口便爲佳
擊鮮終莫及食前羅方丈笙歌擁侍妾得志君不
爲清齋乃所愜爛熳槿花繁開落一何急勁節凌

雲姿冰霜畱翠粒豈無素心人丹青能併入倘不
厭疎狂爲君荷瓢笠

聞叔兄調太平復攝養利州事却寄

九年仍作倅所思惟桂林未辭炎蒸地復入瘴煙
深可曾見飛鳶跼跼向水沉我無少游語使汝時
追尋愧作金門吏星星鬢亦侵花前搖判筆月下
偷彈琴長嗟驥伏櫪孰識魚生鬻有詩難遠寄有
酒惟孤斟同爲鞅掌役渺若商與參念彼白頭親
豈無懷歸心終當拂衣去何爲苦越吟

書箒苔武林相士

已過春明三度春每勞歸夢遶松筠無絃可易鍾
儀操有扇難遮庾亮塵傲骨不煩仙客換折腰時
賴竹牀伸西山泉石雖堪戀肯把西湖讓隱淪

刺梅園老松行

刺梅園中老松樹三載相思今始遇果然竒絕不
虛譽起伏猶龍令我懼長身蜿蜒走當路猛爪攫
拏如欲捕鱗甲渾身不知數猙獰頭角作吞吐吁
氣爲雲噴爲霧奮鬣直往蒼穹訴誰敢攀髯觸其

怒任彼登天復回顧山魃木客安能附空中定有
雷霆護慈仁虛名落詩賦欲補十景惟君助蒲輪
徵辟未必赴倘逢尊者無恐怖引杖降之歸鉢去
是龍是松辨其故具眼人看方不誤

題李周臣比部行樂二首

寫一童捧書一童
濯硯坐碧桃花下

鶴行初散向谿頭解意雙童足遣愁開卷定知詩
興發便將餘墨染春流

東園西陌遍芳蹤小坐清谿意自濃得氣花枝誰
與伴主人家世本猶龍

題禹尚姬海棠春雨圖

徐熙黃荃稱能事繼躅邊鸞與陸治後來妙手代
不無廣陵今有禹鴻臚海棠數朶凝春色旖旎嬌
容離粉墨斜梢帶雨半含風喚起美人朝睡濃宿
醉未消勻粉面粧成乍却青羅扇莫怯檀郎着意
看任伊銀燭照更闌玩久渾忘禹君筆非花幻作
如花質要知繪事本通神造物為師生意新禹君
學畫先學道一點靈犀通竅妙畫花能笑鳥能啼
硯池風雨常淒淒風不鳴條雨不注只恐六丁來

取去

沈育符移居餅山五年矣復以原詩屬和次

韻二首

幾度移家仍故國此間閉戶便深山

育符雖已三遷終不離故土紫

芝可茹真高寄

齋名如芝山房

丹竈頻遷慕大還

用葛仙翁移居事

試看

松文生劒脊莫疑杯影動弓彎牆東詩老今凋謝

更許何人扣竹關

育符移居因項君東井隔垣不意五年之後項君遂成古人矣

瓶因酒務如山峙酒盡瓶移豈見山

昔有酒務累瓶如山故名如山

市

近最宜書購取巢新不誤鶴飛還庭隅肅客花先

笑屋角窺人月故彎心跡雙清門徑悄據梧時聽
鳥間關

戲贈二首

門多野雀偏宜饌釜有遊魚亦可烹今日玉皇香
案吏向人搖乙爲呼庚
貸粟無門思辟穀問津有路願乘槎春林桃李逢
時雨又見爭開爛熳花

古香樓吟藁卷三終

詩人餘事爰有倚聲才子言情遂多佳製雖繁縟
於宋實權輿於唐彼秦娥秦月之句肇自青蓮而
吳娃吳酒之歌原於白傅自茲以降代擅新聲矜
隻字之工鬪片言之捷金荃之集艷麗爲多浣花
之編綺靡獨擅至宋而蘇辛以豪邁稱秦柳以嫵
媚著張三影之雲破月來歌傳檀板王半山之夢
闌酒醒艷溢鎔毫然而作者雖工學之近率何如
以風雅爲骨以澹遠爲神若南宋諸公西崑媲美
矣今之巨手惟我司城以慧業文人爲菽林雄帥

宋風謝月庶可竝其高華陸海潘江差足方其浩
瀚吟來秀句何殊楊柳迎風贈我佳篇如覩芙蓉
初日溢爲雋調尤在填詞當夫名花初放旨酒盈
樽分韻牒以示良朋擘蠻牋而貽知己君則字必
鏘金句如切玉驅石帚於毫端馳賓王於腕下爾
乃登山臨水弔古思賢汎茗雪之煙波問維揚之
風月君則句近楚聲曲含羽調摩放翁之壘拍同
父之肩若夫臨岐贈別采葛懷人空傳六六之鱗
徒啓三三之徑詠停雲於何許望美人兮未來君

則纏綿意切繾綣情多同安國之清真類邦卿之
蘊藉至於紈扇題詞練裙揮翰華而實贍等美人
香草之寄情麗而不淫似天女散花之無着寧有
譏於秀鐵竟可付於紅兒凡此數端稍陳梗概使
讀是編者知本色之可貴非靡麗以爲工余也蓄
薇盥手對此神清珠玉盈懷自慚形穢旣辱知己
之命聊當乘韋之先云爾橡林同硯弟張光曙題

詩與詞異派而同源詩言志詞多言情也詞取溫
和有餘韻南渡以還盡掃靡麗平熟之習堯章一
變其格嗣響承流如竹屋梅谿草窗諸子雅調清
音編珠緯貝俊人抑何多也故詞至南宋始工填
詞家多宗之司城柯庭汪先生巖敏天畀擷芳羣
籍以供其驅遣詩才超逸淵雋瑩無塵想見者無
不歎賞又以其暇爲長短句凡探幽攬勝撫景懷
人偶有所觸倚聲而成不矜竒而字新創情至者
文副故能運靈心舒妙腕寓軟玉柔金之巧於鑣

冰濯雪之中吳夢窗之雕績張玉田之超玄兼而有焉國色希聲非剽竊摹擬者所能彷彿吟塲酒社間倘有柔奴美奴其人使之按節而歌宛轉纏綿一唱三歎移人之情豈不甚深矣乎玉海瑶林之目又將取以移贈矣麻湖同硯弟黃容題

古香樓詞藁

休陽汪 文柏 柯庭

掃花遊

項嶠雪過小齋倚韻酬荅

新涼雨霽。藹夏木陰穠。樵歌聲杳。阿誰繫櫂。喜華裾翠織。過尋林沼。見說雲峰是處嬉遊欲了。隨幽討。幾幅蒲帆。長受風飽。快聚驅俗惱。况詞譜金荃。朗投新調。提壺苦叫。勸乘歡醉取。一尊良好。罨畫明朝。會泛煙波縈裊。懷舒窈。對清暉。更聆深渺。

金縷曲

秋日會義逸於桐谿追憶客歲訪予茗上相與文酒之樂爲賦此解用原

韻

把袂西風裏。記年時籬黃尊綠。與君同醉。更泛蘭
舟煙渚遠。剪斷蕢花如綺。度一曲幽懷聊寄。堪笑
浮名何所得。羨丹青畫筆追前輩。拂素練雲山起。
清秋勝事還能繼。幾相思。吳峰越岫。盍簪非易。
漫憶玉堂良友在。定念尊鱸滋味。莫對景空吟而
已。且聽楓江鳴鴈度。向霜天吹笛高樓倚。願會合。
頻過此。

月華清

閏中秋翫月同槃菴義逸犀月叔兄賦

桂闕雲開。冰蟾光吐。人間三五還又。翠減新梧。啼
斷冷蛩苔甃。念此夕千里同心對。好景一尊攜手。
歡否。漸清輝滿座。小亭如畫。鴈度南樓夜久。欲
喚起嫦娥。勸斟盃酒。醉舞花前。惹得天香盈袖。還
共與淺酌深吟。且莫問遙鐘疎漏。追舊。悵紫簫聲
遠。此情空負。

疎影

次韻荅義逸

雲屏對蠹。有清流映帶。浣花幽築。晚晚秋光未減。
吟情詠徧翠巖丹麓。相尋茗雪。記短棹平波煙縠。

正愁霖剛霽。碧霄雲淨。素蟾新浴。長怪樽前美景。意中人自遠。清賞難續。抱瑟狂遊。筠管苔箋。還譜淒涼詞曲。中宵坐話聽雞舞。能幾共西窗殘燭。待重陽拚醉籬邊。雙髻滿簪黃菊。

東風第一枝

春日招藍邨笛谷遠士雪坡犀月同叔兄遊破石用史梅谿韻

鴨綠平橋。猩紅夾岸。波光樹色交暖。禁煙時節。纔過春事二分非淺。輕橈不點。但穩坐半颿風軟。望陰陰柳畔粧樓。盡捲畫簾招燕。繫艇處晴峰照眼。撲蝶去遊絲吹面。秋千綵索閒來。鄰娃共尋曉

苑。爭新裙襪。費多少。織鍼柔線。儘夜歸分付清吟。影倦一燈誰見。

惜紅衣

紅鸚鵡次和周雪客

香稻仍銜。雕籠常護。最親芳艷。杏子輕衫。何人試偷剪。粧臺曉日。聽巧語朱簾低捲。曾見多少相思。沁啼紅點點。歌廊燭院。彈舌閒調。花陰更遲戀。繁枝柔軟。莫蹴風鈴顫。回首故巢何處。蛩雨蠻煙情遠。奈宵寒孤夢。影落碧天霞斷。

摸魚子

壽賀遜丁五十次原韻

喜文章聰明雪淨。揮毫遙憶襟度。蒲帆十幅烏青
近。路入梧鄉非誤。几小據。更醉後清狂對客聞吳
語。燕巢鴈去。正麥浪翻寒。楊花拂雪。握手幾朝暮。
情無限也。惜聞雞時舞。知君廊廟才具。金飛玉
走還西笑。望見長安何處。應莫負。擬策射天人共
狎金閨侶。紅塵如雨。念畫舸東歸。蹇驢西去。早恐
易寒暑。

又

更攜觴還澆壘塊。朱顏玉貌曾幾。元龍百尺樓頭

卧。下視世間餘子。休再計。歎此日菰蘆身向愁邊
寄。看君行已。羨孝似曾參。貧非原憲。負米等閒事。
隱淪好。釣水畊山。偶耳。經綸不用長此。功名五
十元非晚。奚必浮沉閭里。三徑裏。聊點檢琴樽。嘯
詠閒田地。蠹魚蝕字。怕天祿讐書。承明視草。載筆
且行矣。

水調歌頭

壽幻師初度

濟上一燈在。光映浙江潮。飛來鷺嶺何處。獅座雨
花飄。猶聽休公遺唱。聊寄東林清曠。一笑遠相招。

出世幾經臘。四十是今朝。慈容近。堪奉母。結香
茅。睦州尊宿。重見說法對僧寮。高蔭藥王祇樹。徧
灑清涼甘露。煩熱頓能銷。竚望白雲際。千仞碧峰
遙。

邁陂塘

養疴仙壇喜魏子超介璜兄弟過訪

愛清谿一灣。迴映城陰。小院閒敞。苔錢點翠。秋花
冷。簾額晚煙輕颺。空谷響。喜屐齒。蹙然勝侶能相
訪。襟期疎朗。看竹几繩牀。是誰賓主。一笑共欣賞。
真堪羨。郭外幽居清曠。冥鴻高謝塵網。挾天彩

筆君家事。兄弟風流。競爽明月上。聽鶴唳晴空。玉
笛聲嘹亮。懷人遠望。正茶沸松濤。香浮雲篆。霞際
結長想。

夏初臨

嬾蝶黏花。嬌鶯巢樹。池荷嫩葉初圓。午漏迢迢。閒
窗日永。如年。風輕半捲湘簾。倦讐書。香篆多添。畫
屏幾曲。茶煙一縷。伴我幽眠。雲林堪隱。茆屋旋
成。凭來小檻。乍引清泉。歲華荏苒。莫將好景空捐。
喜對良朋。寄新詞。譜入冰絃。晚涼天。荒庭過雨。滿

地苔錢。

又

紈扇看裁苧衫待剪。一林梅子青黃。乍捲筠簾。試
雛燕舞茅堂。簷牙殘絮飛揚。庭陰轉。日晷初長。坐
銷閒暇。餐餘石髓。蕪有松肪。盆山色翠。香獸煙
清。丹鉛欲遍。卷帙盈牀。分泉種樹。好同幽客商量。
正喜晴和。綵車響。軋軋連牆。瞬時光。榴花綻也。又
近端陽。

惜春容

朝來花信春禽覺。深院日長人寂寞。柳絲牽夢。画
橋邊。桐葉題詩赤欄角。閒情何處能忘却。卯酒
剛醒風恁惡。捲簾遙對峽峰青。兩點蛾眉爲誰着。

臨江仙

題臧喟亭侍御十五處中秋翫月圖

秋到蔚藍天似拭。况逢霽景平分。清暉到處可相
親。晚霞明玉鏡。涼露濕冰輪。試看千江同一印。
經過碧宇無痕。水晶宮裏住仙人。宦遊南北異踪
蹟。画圖真。

燭影搖紅

稼堂邀竹垞秋錦虹亭及余五人
穀日集爛溪草堂余以慈幃誕辰

未及踐約
賦此致謝

飲社詞場主持煙月人能幾。摩挲金石考奇文。雅
事君多矣。有約何辭百里。恰萱幃生辰燕喜。宰雞
治饌。負米承歡。這情難已。簾閣清閑。早梅枝動
春風起。品琴看劍。足留賓。何必頻扶醉。此際分題
並几。到詩成訝余因底。待冰融後。卸了燈時。再隨
芳履。

滿庭芳

登平山堂

迴合山岡。參差竹樹。憑闌佳景全收。高賢結構。壯

麗甲他州。堂外垂楊手植。金縷輕柔。今何在。空教
指點。六一舊風流。三庚停皂蓋。藕花折取。紅袖
行籌。漸歸來。酩酊弄月乘舟。我欲摩挲。短碣空漫
憑難覓。銀鈎低徊久。夕陽西下。漁唱起邗溝。

鳳簫曲

觀音閣尋迷樓故址

憶當年隋家天子。行樂縱豪華。蕪城方淑景。牙檣
錦纜。欲遍天涯。宮闈饒粉黛。更嬌憨。輦畔司花。俄
築起。迷樓金碧。遙望如霞。休誇曲房邃宇。仙島
靡加。霎時成瓦礫。臨春結綺後。一樣興嗟。荒榛埋

故址聽琳宮法鼓頻搗。祇剩取香燈禪板。古樹昏鴉。

水龍吟 虎丘

春來何處繁華。闔閭城外山塘路。画舫載酒。笙歌沸野。遊人如鷺。草展裙拖。柳顰眉黛。近真孃墓。笑吳儂好事。結伴嬉遊。醉眼欲忘朝暮。我愛秋深景淡。正登山。松梢月吐。生公去後。可中亭石。依然不語。短薄祠邊。劍泉瑩徹。冷煙濃霧。憶歸時浪靜。舵樓欹枕。寺鐘敲曙。

一枝春

西溪探梅

画槩尋芳。趁東風又過。西溪煙渚。生香樹樹。掩映邨莊無路。輕陰宿靄。做花信幾番空誤。板橋畔。疎影臨波。不怕雪欺冰妬。恍疑置身瑤圃。正林間月淡。美人來處。妝晴媚曉。如語共傳心素。留春未住。恐成了白雲飛去。還只恨譜入橫吹。一江冷雨。

法曲獻仙音

韶光菴

曲磴千盤。流泉百壘。屐底漸登高頂。海日藏雲。江潮夾霧。做陰做晴難定。訪仙竈花深處。有凝露如

永 小池冷。剩金蓮幾枝開落。渾不數西湖鬧紅
臨鏡。入座亂峰青。似翠鬟黛眉爭競。老衲婆娑。尚
能誦香山留贈。更殷勤軟語。問我頻來應肯。

瀟湘夜雨

煙雨樓

穀浪涵空。菱花映日。古樓搖蕩波心。趁閒停漿攜
侶再登臨。屈指春來秋去。煙和雨幾度侵尋。依稀
認紅衣翠鬣。猶似舊沙禽。宜人惟月霽。移燈渡
口。換酒城陰。聽櫂歌漁笛。遙帶疎砧。盡捲朱簾面
面。風濤動殿閣浮沉。休辜負良宵勝地。倚調續清

吟。

水龍吟

贈張權六

風流漫數當年。襟期洒落如君少。樽前慢引。花間
促拍。都成絕調。玉局雄才。弁陽高致。誰堪追紹。仗
天生俊傑。每將彩筆。吟泉石。抒懷抱。謾哂寒瓊
署小。有花畦藥欄深窈。茱萸半吐。芙蓉未謝。重尋
舊好。翠幙香凝。蕭齋燭暈。幾番歡笑。任譙樓漏數
風催雁度。月沈天曉。

霜天曉角

木瓜

嫩金一捻投我香清冽。縱得瓊瑤爲佩也難報。箇
人折。雅絕。青蕊列。這情休與說。夜悄衾寒恐有
筋攣患。爲郎設。

齊天樂 白雀寺

曉雲不碍登山興。攜手翠微深處。古岸橋平。芳堤
塵軟。夾道長松千樹。亭邊意緒。聽天籟蕭疎。恍驚
風雨。似欲留人。幾回翹首行還住。凌空纔過梵
宇。遶迴廊。仄徑禪院花嶼。脆管音清。焦桐調古。溜
澗泉飛萬縷。徘徊不語。更嬾問層巒。碧流杉影擬

仿高風。泛杯傾綠醕。

小重山 望湖亭

樹杪山巔露小亭。捫蘿攜勝侶。愜幽情。坐來縹緲
遠山青。青山外。水勢失滄溟。天曠去雲輕。漾曦
光一線。與波平。倚欄凝睇。漸分明。人如豆。舟似葉
兒橫。

風入松 峴山明霞墓

城南勝地頗關情。沙脚繫舟輕。清泉一掬。澄深穴
巉巖路。屐底稜稜。試問斷碑何處。依然斜照荒亭。

雲林稠疊隱啼鶯。緩步趁山行。曾聞小塚埋芳骨。閒憑吊、悄地愁生。爲惜幽花正豔，漫遭風雨飄零。

虞美人

窪樽

一坡樹色藏孤峭。凹處樽形妙。名流轟飲事猶傳。列坐雲根俯首吸青天。去年病久停杯筯。紅友情疎也。何時重得酒腸寬。滿載鴟夸約伴共追歡。

採芳信

逸老堂晚眺

悶懷遣。向小阜尋春。山堂把觥。見遊人散去。長空

暮雲捲。柳絲漸黑。花容暝。夕照遙峰淡。笑歸忙。繞樹啼鴉。穿簾飛燕。陳迹更何限。有太守風騷。名流芳豔。碧浪湖邊。詩酒每留戀。憑欄此際。蒼茫意。四野寒煙亂。最關情。月到沙洲一片。

漢宮春

登道場山翠微閣訪孫太初挂瓢處

拂篠梯雲。仗芒屨濟勝。重蹋禪關。懸崖燦然傑構。映碧流丹。徐臨俯眺。繞羣峰欲斷還連。春景麗。浮嵐暖翠。鳥藏芳樹聲娟。花木閒窗尤悄。矗浮屠天半。倒影澄泉。指點挂瓢舊處。仙骨埋煙。山人往

矣。問疇能再返。驂鸞茶話後。來尋峭壁。題詩千尺松顛。

又 蕪香山梨花

笠澤湖頭。繞層巖。邃壑煙色蒼涼。平林忽疑積雪。猶帶波光。珠宮素質。曳鮫綃。試舞霓裳。風過處。霏霏瓊屑。一時盡入詩囊。當日苧蘿仙子。把芙蓉。百疊分執羣芳。千載令人想像。剩粉殘香。山邨遠。眺似輕雲淡月。昏黃。春閨燕。雙雙玉剪。只愁去影微茫。

木蘭花慢

西溪泛月

望長谿如練。情每愛泛輕舫。向中筈探泉。前汀問寺。幾度停橈。黃昏近邀月姊。聽歌童臨水按瓊簫。兩岬俄驚棲鳥。空潭欲起潛蛟。西風籐樹葉初凋。雁唳落青霄。漸碧漲成花。金波蕩彩。渺渺滔滔。誰聞水妃一曲。數峰青。江上意蕭條。欲訪詩翁舊宅。禪扉帶月堪敲。曲終人不見。江上數峰青。二語錢仲文于此得之。今清果寺其故居也。

風入松

合溪吳季子廟題壁

飄然脫屣去吳邦。歷國恣徜徉。名卿相見如膠漆。
聽詩歌不爽毫芒。公子清芬百世。高風遠邁侯王。
當年採藥並流芳。吳俗化淳良。雲孫又起追芳躅。
抽身早寧管興亡。欲薦溪邊蘋藻。更將歌侑椒漿。

一剪梅

送潘稼堂遊衡山

羨爾高名並斗山。詩擬香山。學比瓊山。幾曾捷徑
效南山。雲乍離山。鳥便還山。一緬芒屨蹋萬山。
纔上黃山。又陟廬山。時從嶽麓訪衡山。晴看春山。

雨看秋山

乳燕飛

次韻答採藻弟

雅擅驚人技。算年華纔當終賈。富於清製。鏖戰文
場。稱猛將。高古能兼華綺。駢體有惠連。道麗慢調
么聲。俱豔絕。羨風流題盡。參軍紙。應不愧。奇男子。
鄉關頻見。琳瑯寄。每徘徊。睦州江畔。石英峰底。
聞說片帆將過我。迢遞重山。疊水。奈目斷。秋江煙
裏。夢遶池塘。人未到。問何時。萍聚行踪。邇空數載。
心千里。

蹋莎行

過涉園贈綠天上人

雁齒紅橋鴨頭綠水。園林日午門慵啓。此中晏坐
有高流。我來欲究無生旨。靜展壇經閒揮麈尾。
爐香椀茗羅髻几。書成鐵限已頻穿。蕉陰猶自盈
堦庇。

憶江南

和圭菴且止亭賞桂五首

涼颺送。緩步近微馨。嫩粟雲黃詩意切。叢枝油碧
醉眸醒。秋思在空亭。

又

繁英綻。風送四鄰馨。鼻觀得聞無隱處。通身汗下
豁然醒。勝坐可中亭。

又

秋柯老。把酒餞殘馨。幻色未離香國遠。迷情難換
蜨魂醒。涼月上池亭。

又

冰輪滿。花雨一庭馨。蛾黛有情歌入破。柳腰無力
睡初醒。人倚小紅亭。

又

露華重。衣袂帶餘馨。竹素滿牀。經歲臥香醪。十斛
幾回醒。來訪子雲亭。

茶瓶兒

冬夜贈黃圭菴

密室圍爐冬夜。與良朋素心傾寫。煮茶煨芋年年
事。誰似我竹窗茅舍。君詩就。凌陶謝。擅才名無
雙。江夏菰城。若水曾遊冶。待共續湖南吟社。劉坦翁孫

太初輩於茗上
結湖南吟社

又贈沈蓉江

卜築月波樓畔。繫漁舟柳陰蓉岸。屠龍妙手終何

用。輸與爾把杯揮翰。喜殘歲同呵硯。寫烏絲新
詞盈卷。南窗醉醒斜暉暖。又隔院早梅香遠。

又贈姚玉符

夢繞新安江上。恰三年輕舟纜放。挑燈軟語還如
昨。喜物外故交無恙。書千卷堪欣賞。最難忘寒
窗茶浪。孤山疎影饒清况。好付與春波煙舫。

虞美人

題二兄新築

臨流舊墅添新築。搖幌波光綠。小廊曲室篆煙凝。
坐到一壺明月浸寒冰。雛孫穉子書聲近。最可

消愁悶。苔侵拳石。活如雲。花影玲瓏。雙蝶昇斜曛。

三姝媚

待曉廬不至

南榮新旭暖。正几淨窗明。冰花初泮。閣帖來禽。共
水坑蕉葉。待誰揮翰。久繫扁舟。想臥穩梅邊孤館。
奈我離羣。一榻空懸。幾回銷黯。追憶梧陰飛棧。
向露冷荷欹。歌殘雲斷。別去東西。又蘋洲相隔。柳
洲人遠。昨得雙魚。道此際抱琴重見。猶恁含疑。側
聽竹籬吠犬。

玉漏遲

題畫蘭

湘江春雨暮。幽香萬斛。綠雲千步。淺碧紋波。誰畫
鏡。斂眉憚。洗淨宮闈粉黛。換林下淡粧。無妬。風過
處。悠揚翠帶。低回困舞。一種逸致。清芬倩墨。瀟
傳神。筆花爭吐。遺老心情。今日尚留箋素。寫盡騷
人怨恨。可憐甚。被讒難訴。須記取。枝枝慕晴啼露。

芳草渡

寄贈雪坡

虞山樹尚湖煙。花初放。月初圓。棗如瓜大。藕如船。
天付汝。斟綠酒。聽朱絃。画堪賣。詩可傳。也足成
名。博利筆為塚。硯為田。故人遠。書相寄。意相憐。

漁家傲

悼李辰山

峰泖才人棲旅館。參苓壽世。渾無算。晚戴黃冠名
利淡。猶餘憾。童烏早逝。堪興歎。笛響山陽。驚露
電。薰爐茗椀。空留案。身後文章。誰校勘。嗟零亂。圖
書千卷。歸王粲。

滿江紅

郭璞墓

晉代衣冠。誰得似。仙姿夙具。更能取。一編爾雅。蟲
魚箋註。浩浩長江。作賦手。飄飄逸韻。遊仙句。笑夢
中。索錦向文通。空懷怒。已難即。丹谿路。止留剩。

青囊數。歎術幾神矣。何難逃禍。七尺猶傳碑上字。
一杯無恙。江心墓。問唐陵。宋寢。竟如何。藏狐兔。

漢宮春

題三老圖。繪東齋居士魏東老南邨
丈人曹念劬北郭先生魏穀山也。

放艇清秋。向梅花舊里。壁上窺圖。松間正襟相對。
眉宇蕭疎。于思誰氏。卸黃冠。野服魁梧。曾記得。東
齋詩老。風流豪興。尤殊。北郭南邨。狷者。類屏居
山澤。貌古形癯。嗜好酸鹹。異俗。漫浪無拘。不須服
食。儘從容。詩酒歡娛。還問取。夕陽吟社。就中添箇

僧無

指綠天
上人

採桑子

次曉廬韻送圭菴荅江歸里

幾番谿館歡娛夜。主勸賓酬。花氣如流。別盡蘭缸肯睡否。無端爆竹催殘歲。兩處歸舟。一樣離愁。夢繞吳山又越州。

又前題再疊前韻

今宵共醉茅簷月。倚調賡酬。凍合溪流。欲阻歸期肯住否。明年再折津亭柳。酒泛銀舟。詩寫春愁。送我花驄上冀州。

又遣懷三疊前韻

可憐壯歲因循過。雞唱鐘酬。月落川流。白髮蕭蕭再變否。閑窗一枕遊仙夢。太乙蓮舟。天上無愁。幾點青煙是九州。

又前題四疊前韻

吟風弄月同仙侶。遞唱更酬。筆走詞流。竹屋梅谿近似否。孤雲野鶴頻來去。身是虛舟。心少閑愁。萬水千山老趙州。

又酬曉廬五疊前韻

新詞美似江瑤柱。何以爲酬。玉瓚黃流。試問酸鹹

已辨否。生平嗜好無多物。琴鶴同舟。書畫銷愁。
雙硯端溪與歙州。

又題畱春圃感舊詩六疊前韻

當年亭榭畱春住。燕語鶯酬。花影臨流。多少閑情
記得否。而今剩有淒涼句。屋小如舟。難貯深愁。
另換歌頭唱六州。



卷之四